

萬有文庫

第二集七種

王雲五主編

昭德先生郡齋讀書志

(一)

晁公武撰

商務印書館發行

昭德先生郡齋讀書志

(一)

晁公武撰

國學基本叢書

昭德先生郡齋讀書志

(二)

晁公武撰

國學基本叢書

昭德先生郡齋讀書志

(三)

晁公武撰

國學基本叢書

昭德先生郡齋讀書志

(四)

晁公武撰

國學基本叢書

王雲五主編
萬有文庫

第二集七百種

昭德先生郡齋讀書志

四冊

中華民國二十六年三月初版

撰者
晁公武

發行人
王雲五
上海河南路

印刷所
商務印書館
上海河南路

發行所
商務印書館
上海及各埠

萬有文庫

第二集七百種

總編纂者

王雲五

商務印書館發行

昭德先生讀書志四卷蓋所得南陽井氏藏書也井氏始收之蜀道聚于廬山之陽既乃歸先生徙而置之三峨之下書今不可得盡見矣而志獨存宜春士趙希弁公族之秀博學好古藏書亦富遂以屬之校正因即其所藏之目參焉已載者不復取未
有者補其缺其間互出者蓋詳略

之不同文義之或異而後來諸賢之
所著述亦藉以槩見蓋為五卷別
以讀書附志併錄諸梓俾得託晁
氏而茲傳抑以壽趙君之所藏博極
君子當有取於斯淳祐己酉日南至
宜春郡假守番陽黎安朝謹書

昭德先生郡齋讀書志

門人承議郎新奏辟通判茂州軍州事賜緋杜鰲序

先生姓晁氏名孟校并氏書為讀書志凡四卷鵬舉作邑峨下望先生滄洲之居雞犬相聞暇即問奇字於古松流水之間一日叩以此書忻然相付先生博物洽聞雅稱海內孰知萬籍樓中先生所得蓋已超出文序而此筌蹄尚足為眉子之光因廣其傳庶吾儕晚學於未見書畧知其

陳尚先生刮蒙叢部之意云

昭德先生郡齋讀書志序

魏王粲爲蔡中郎所奇盡得其家書籍文章故能博物多識問無不對國朝宋宣獻公亦得畢文簡楊文莊家書故藏書之富與秘閣等而常山公以贍博聞于時夫世之書多矣顧非一人之力所能聚設令篤好而能聚之亦老將至而耄且及豈暇讀哉然則王宋所以能博者蓋自少時已得先達所藏故也余家自文元公來以翰墨顯者七世故家多書至於是正之功世無與讓然自中原無事時已有火厄及兵戈之後尺素不存也余仕官連蹇久益窮空雖心志

未衰而無書可讀每恨之南陽并公天資好書自知興元府領四川轉運使常以俸之半傳錄時巴蜀獨不被兵人間多有異本聞之未嘗不力求必得而後已歷十餘年所有甚富既罷載以舟即廬山之下居焉與余厚一日貽余書曰度老且死有平生所藏書甚祕惜之顧子孫稚弱不自樹立若其心愛名則爲貴者所有若其心好利則爲富者所有恐不能保也今舉以付子他日其間有好學者而後歸焉不然則子自取之余惕然從其命凡得書若干部計若干卷今三榮僻左少事日夕躬以朱黃讎校外誤每終篇

輒撮其大指論之豈敢効王宋之博所期者家聲是
繼而已其書則固自若也儻遇井氏之賢當如約

昭德先生郡齋讀書志序

昭德先生郡齋讀書志卷第一上

自漢武帝之後雖世有治亂無不知崇尚典籍劉歆始著七略總錄群書一曰輯略二曰六藝三曰諸子四曰詩賦五曰兵書六曰術數七曰方技至荀勗更著新簿分爲四部一曰甲部紀六藝及小學等書二曰乙部有古今諸子家及兵書術數三曰丙部有史記及故事四曰丁部有詩賦圖讚勗之簿蓋合兵書術數方技於諸子自春秋類摘出史記別爲一六藝諸子詩賦皆仍歆舊其後歷代所編書目如王儉阮孝緒之徒咸從歆例謝靈運任昉之徒咸從勗例唐

之分經史子集藏於四庫是亦祖述臯而加詳焉歐陽公謂其始於開元其誤甚矣今予所錄書史集衆衆若依七略則多寡不均故亦分爲四部焉

經部其類十一曰易類二曰書類三曰詩類四曰禮類五曰樂類六曰春秋類七曰孝經類八曰論語類九曰經解類十曰小學類孔氏之教別而爲六藝數十萬言其義理之富至於不可勝原然其要片言可斷曰脩身而已矣修身之道內之則本於正心誠意致知格物外之則推於齊家治國平天下內外兼盡無施而不宜學者若以此而觀六藝猶坐璇璣以窺